



# NOVA POSONIENSIS.

ANNO CHRISTI MDCC XXI.

DIE XXIV. SEPTEMBRIS.



*Mirna, a. d. 19. Mai.*  
Diebus superioribus, naus multo plumbo onusta, e portu nostro, Chium versus, soluit, vt nauem aliam, quæ ad insulam illam hæret, lignis & materie alia instructam, comitem sibi iungat, atque Ioppen proficiscatur, resque eas illic exponat, Hierosolymorum in urbem deuehendas, vbi Turcarum Imperator, ea vrbs parte, in qua sepulchrum sanctum visitur, duo exstrui templa, & Mahumedanis sacris dedicari iussit. Sunt, qui existiment, eam ob rem id eum cœpisse consilii, vt maiores in posterum ab his reditus accipiat, qui religionis causa ex Christianis huc peregrinari consueuerunt. Tumultus, qui in

vrbe Ægypti Cairo, ob eneatum imperatoris Turcarum iussu præfectum, temere a plebe excitatus fuerat, sedatus iam est, posteaquam alter ex insula Creta ad urbem illam accessit, ei muneri imposternm præfuturus.

*Tripoli, a. d. 12. Iuli.* Piratæ nostri, Algirenses iuxta & Tunitani, omnes fere e mari ad portus suos mœsti redierunt, quod lembos expeditissimos a Melitenfibus interceptos, æstiuâ hac expeditione perdidissent. *Beius* Tripolitanus, *Gianum Coggiam*, qui nos fere sub iugum miserat, penitus e ditionibus nostris depulit. Ausus enim manus cum nostris conferere, tam infelicitè rem gessit, vt clam ex acie excedere & conscenso nauigio quodam Gallico, fuga sibi consulere necessum habuerit. Tetuano nuntiatur, Maurorum  
pira.

piratas, duas Anglorum naues interceptisse quidem, sed a portubus tamen prohiberi, eo quod naues illas, contra pacis cum Anglis initæ, leges, in prædam egerint.

*Mantua Carpetanorum, a. d. 19. Aug.* Pacis, quam cum Anglis iniimus, conditiones in dies magis magisque ratas haberi videas. Ordines Hispaniæ, *Cortes* vocant, proxime conuentus agent solemnes, vt publica fide, Neapoli & Sicilia, atque prouinciis cæteris, quas Romanorum Imperator armis sibi viudicauit, ante cedere possit *Philippus*, quam pacificatio Cameracensis cœperit, quam ineunte demum Octobri inchoatum iri contendunt. *Leedijs Marchio* in Biscaiam profectus est, vt præsto sit, cum *Fontem Rapidum & Fanum S. Sebastiani* nostris reddituri sunt Galli. Militum cohortes, quæ ad Pompeiopolim fuerant collectæ, versus Biscaiam profectæ sunt, quas duæ legiones dimacharum sequentur, vrbes illas præsidio firmaturæ.

*Barcinone, a. d. 7. Aug.* Ex quo tempore, cum publicis nobis conflictandum fuit calamitatibus, mercaturæ, qua olim maxime florueramus, rationes indies difficiliore fieri, animadvertimus. Tres propemodum hebdomades præterierunt, quod nullam ex Oriente nauem conspeximus in portu. Equidem Catalauniæ proceres, qui non ita pridem conuocati, frequentes huc conuenere, quotidie de re publica restauranda consilia grauitè conferre videmus, quam ob causam aliquos ad Philippum regem ablegauerunt, qui precibus eum adorianatur, vt medelam adferat labantibus communis patriæ rebus; sed quid responsi illi ab eo tulerint, nondum habemus exploratum. Ne quid autem pestilentis morbi, quo Prouincia labo-

rat, in has regiones irrepere queat, omne, quod nobis olim cum ea fuit, commercium, penitus sublatum est.

*Liburni, a. d. 29. Aug.* Augusta Taurinorum accepimus, Telone Martio omnium eorum numerum initum esse, quos pestilentia superstites reliquit, repertosque esse 4978. ac in his quidem viros 967; feminas 434; pueros 760; puellas 1117; quibus accensendi sint 500. homines ruri adhuc degentes, cum 1000. aliis, qui in Nosodochiis sunt, iamque salubritatem pristinam recipiunt; vt adeo 6478. admodum homines a pestilentia vrbs illa residuos seruauerit, cum ante eam calamitatem 24000, incolarum numerata sint.

*Parisis, a. d. 1. Sept.* Dux Beruicensis, qui exercitui aduersus pestilentiam excubanti præest, nuntio misso regem docuit, virus illud latius diffundi cœpisse, iamque in agro Milhaudensi 30. circiter vicos occupauisse. Missa propter ea sunt mandata ad eum, vt aucto militum numero, regionibus malo illi obnoxiiis, fossas prætendat, ad quadraginta plus minus milliaria extendendas. Sed vanam esse credunt industriam omnem, qui gentis peccata non dissimulant, quippe quibus puniendis, hanc calamitatem, Deus, iustus scelerum vindex, immiserit. Nudius tertius, *Philippus Moreau*, equestri ordine natus, capite pœnas luit, quod adulterinam monetam conflare ausus est. Rumor manat *Marchionem de Nesle Majly*, Romanam missum iri, vt illic oratoris munere perfungatur. Ceteroquin rex serio mandauit militum præfectis, vt ad suas se turmas quamprimum recipiant.

*Londini, a. d. 24. Aug.* Posteaquam ad aures peruenerant procerum, qui regi

regi sunt a consiliis sanctioribus, emanare in vulgus, quæ in secretiore concilio de rebus societatis Austri disputata fuerint, & litteris iam scribi a typotheta; Cartereto protinus datum fuit negotium, ut mitteret in officinas typographicas, qui omnia inde exempla secum asportarent. Illi nihil cunctati tribus ad id præparatis vehiculis se contulerunt ad typographum, qui diarium, ut dicitur, Londinense, litteris imprimit, apud quem & tria millia libellorum, qui typis iam exscripti erant, inuenerunt, quos omnes secum abstulerunt, & in ignem coniectos, tradiderunt flammis. At enim hac ratione prorsus aboleri non potuerunt omnes, quandoquidem magna eorum pars pridie fuerat diuendita, qui aliquoties deinde prelis subiecti, per omnes fere prouincias disseminati fuere. Hoc autem scripto omnia continentur, quæ coram secretiore concilio professi sunt argentarii & societatis Austri præfecti. Caussam autem, quamobrem hæc omnia propalata fuere, esse, aiunt, quod aliqui ex secretiore illo concilio, magno persequuntur odio Aislabium, qui illos, quanquam ipse fuerit ex iis, qui res societatis Austri recognoscunt, iniustitiæ cuiusdam adcusasse dicitur; quod ægre illi ferentes, quibusdam ex amicis suis adfirmasse dicuntur: se omnem duros operam, ut quæ acta fuerint, in publicum exirent, ut ab omni iniustitiæ suspicione purgarent eos posteris, qui secretiori concilio hoc tempore interfuerint. Ceterum, quum Carteretus a Wilkinio typographo, & librario Pelio sciscitaretur, quisnam auctor sit huius libelli? se aliquid eius rei scire, vterque negavit, quare etiam postquam Molesworthus, Comitum Sunderlandii cognatus, qui litteras, qui-

bus Catonis nomen præscriptum est, huc vsque promulgasse dicitur, cum duobus aliis, ex procerum senatu, patribus, ( id quod omnibus mirum videbatur, ) fidem suam pro iis interposuerat, iterum dimissi fuerunt.

*Lipsiæ, a. d. 4. September.* Litteræ Warsouia ad nos perlatae, Pontificis legatum Grimaldum ad iter sese accinxisse, commemorant, ut Archinto, qui in eius succedet locum, in ipsis Poloniæ finibus occurrere, & sermones cum eo de variis rebus conferere queat. Præsules, Warmensis, & Ploscensis ex morbo, quo graviter decubuerant, iam prorsus conualuerunt. *Hamburgi, a. d. 5. Sept.* E litteris, Holmiæ scriptis, pacem quidē nunc Sueciæ redditam, intelligimus, quibus tamen ea legibus fuerit constituta, nondum adhuc resciscere potuimus. Nam quoniam illæ Suecorum rebus haud vsquequaque fauere videntur, vix futurum existimant rerum periti, ut ante solemnem pacis promulgationem, aliquid eorum, quæ Neostadii sancita fuerunt, in lucem exeat. Aliæ autem, quas ex eadem vrbe accepimus, litteræ, fatæquis conditionibus pacem Suecos obtinuisse, nobis adfirmant, & id modo ab vtraque paciscentium parte agi, perhibent, ut nanciscantur, qui publica fide pro pacis inixæ diuturnitate spondeant.

*Genue, a. d. 30. August.* Rumor hic percrebuit, tres naues piraticas Tripolitanorum in altum exisse, cum sex celocibus. Prope Drepanum eosdem piratas barbaros ex duabus nauibus excendisse, ac piscatores quatuor secum abduxisse. Qui urbem nostram incolunt, Galli genere, publice DEO gratias persoluerunt, in sacello, quod hic habent, pro restituta regi suo valetudine; solemnitate vero finita, Nobilissimus

simus *Soignius*, Gallorum Legatus, Hispanicum; atque Britannicum Oratorem lautissimis excepit epulis. Fama est, Hispaniæ regem centurias aliquot militum Septem, ad firmanda eius urbis præfidia, mittere debere, eo quod Mauri eam denuo obsidere intendunt. Præfectum navis Anglicæ, quæ nuper Alone iure publicata fuit, capitis esse damnatum ferunt, sed sperare eum, fore, ut Stanhopius pro eo preces suas interponat. Nauigium quoddam indidem appulsum est, 13. dierum spatio, cuius vectores docuerunt, 6. naues Hollandorum in eodem portu latere, ut piratas Algeranos obseruent. Accesserunt præterea & tres nostræ uaves Alone, duæ Angliæ Olyssippone, vna Gallica, & quidem ex Tabarca Insula: qua occasione ab hominibus nostris Alone venientibus, intelleximus, nauem quidem illam Anglicam custodiri adhuc, verum de Præfecti eius damnatione, nihil quicquam se inaudiuisse testantur omnes.

*Venetiis*, a. d. 5. Sept. Nocte, quæ diem lunæ secuta erat, sacrilegi sceleratique homines aliqui, perfosso templi cuiusdam apud RR. PP. Philippinos, pariete, ampullam argenteam, aliasque res, vsibus sacris dicatas, abstulerunt. *Excellentiss. Comes Colloredo*, legati Cæsarei munere fungens, Mantua huc rediit, vna cum duobus filiis suis, quorum alter *Gonzagam Marchionissam*, iamque suam sponsam, indidem secum adduxit. Stipabant eos multi ex ordine equestri, quos omnes, nec non alios quam plurimos præcipue dignitatis viros, vna cum Coniugibus nouis, *Comes*, quem diximus, *Colloredo*, po-

stridie eius diei conuiuio opipare parato, adhibuit.

*Vienna*, a. d. 20. Sept. Proxime præterlapsa Iouis die, Imperator *Illustrissimum Baronem Stampferum*, qui in montanis Hungariæ ciuitatibus rationes suas administrabat, summum arbitrum (*Commissarium vocant*) in omnibus eiusdem regni metallis, constituit. Ante hosce paucos dies, cursor *Brunswiga* extra ordinem missus, accesserat, ut nuntiaret, alterum Legatum Cæsareum, ad conuentum Brusuicensem missum, Baronem Kellerum, vitam cum morte commutasse: cuius in locum Imperator *Nobilissimum Langenhacium* statim substituit.

*Posonii*, a. d. 23. Sept. Cæsar Augustus, *Illustrissimum & Reuerendissimum Comitem Nicolaum Brankouitch*, hucusque *Vener. Cap. E. Castriferrei Lectorem & Can.* ob eximias, quibus excellit, virtutes, quasque *Eminentissimus Cardinalis de Saxonia*, Regi optimo, de meliori commendauit, *Abbatia S. Saluatoris de Kapornak*, dignitate donauit, quam ei *Incl. Camera R. H. A.* solemniter, a. d. 9. Sept. confirmauit. *Feliciter!*

*Alia*, a. d. 24. Sept. Ad *Excellentiss. Regni nostri Palatinum*, mandata nuper ab Imperatore missa sunt, ut conuocatis circa medium futuri mensis Octob. in liberam & regiam ciuitatem Posoniensem, Regni Statibus, tum de tributis, anno proximo soluendis, tum de ratione partiendorum hibernorum, cum iisdem consultet atque tranfigat. Adfuturus in congressu illo est *Excellentiss. Comes Sebastianus Franciscus Thürheim*, ut mentem ac voluntatem Imperatoris, in hoc negotio, Statibus exponat.